

F A C T V M,

Pour Claude Corberan & Ypolite du Brucil, inthimez.

Contre Dame Marguerite du Brucil Dame de Matha, appellante.

Toutes les parties sont enfans d'un mesme pere, mais de diuers liets, l'appellante est à present seule fille du premier liet de deffunct Giles du Brucil, vivant Cheualier sieur de Theon & de Dame Charlotte de Rochefouart, l'autre fille estant decedee dés l'an 1598.

Les inthimez enfans du second liet dudit defunct & de Dame Gabrielle de Focdiq leur mere.

La premiere femme mourut en l'an 1588. la communauté dissoute en l'an 1589.

En l'an 1592. Ledit deffunct sieur de Theon s'estant remarié à vescu iusqu'en l'an 1612. qu'il deceda, apres le deceds duquel la seconde femme a renoncé à la communauté.

Après son deceds comme il a delaisé quatre enfans, tous quatre se sont porrez les heritiers sous benefice d'inventory, tellement qu'estans tous heritiers, il est vray de dire que comme il ny a qu'un patrimoine en vne mesme heredité *idque.* en ligne directe de pere à fils, qu'aussi il s'ensuit que les biens doiuent estre partagez esgalement entre les enfans reserué à l'aîné ses preciputs, pour ce qui est des fiefs.

Neantmoins voicy la diuision que ladieste Dame de Matha veut estre faicte. Elle demande que les meubles acquests & conquests de la premiere communauté soyent baillez à elle seule, à la charge de payer par elle toutes les debtes de la premiere communauté, Et quand aux meubles & acquests de la seconde communauté, declare qu'elle consent qu'ils demeurent & soient baillez aux enfans du second liet à son ex-

A

23

F. 4. 1101. Inv. 1753

clufion, à la charge que de tous les debtes de ladite feconde communauté, elle demeurera exempte. Et pour le regard des propres qu'ils foient partagez fuiuant les Couftumes.

Meflieurs des Requeftes par leur fentence dont eft appel l'ont deboutée de fes cōclufions & ordonné que mefme partage feroit fait de tous les biens entre tous les enfans, à la charge de porter par eux toutes les debtes esgalement, chacun pour fon quart.

De cefte fentence la Dame de Mathas ayant appellé, foustient fa caufe par vne Couftume qu'elle dit eftre obseruee en Xaintonge, encor quelle ne foit efcrite, & que cefte Couftume eft, qu'aux enfans du premier liēt appartiennent les meubles & acquests, à la charge de payer les debtes de la premiere communauté, aux enfans du fecond liēt, les biens de la feconde, à la charge d'en payer auffi toutes les debtes.

Les inthimez foustiennent cefte diftinctiō impertinente.

Premierement, par la difpofition de la loy & reigle generale de France, il n'y a qu'un feul & mefme patrimoine d'un mefme pere entre tous les enfans, fans diftinctiō aucune des cōmunauttez, laquelle iufqu'à ce iour a tousiours efté inouye.

Secondement que le pays de Xaintonge, fi on le confidere pour les pays ou il y a Couftume efcrite, la Couftume n'en dit rien, recours à la lecture d'icelle, que fi on la confidere en ce qui en eft regy par le droit efcrit, le droit efcrit n'a iamais reconnu telle diftinction.

Tout le feul & vnique fondement de l'appellante, eft fondé fur vn pretendu vfage non efcrit quelle dit eft obseruee en Xaintōge & quelle en rapporte vne attestation. A quoy les inthimez respondent qu'ils denient cet vfage, & quand à l'attestatiō quelle appelle acte de notorieté, que ledit acte ne les peut obliger pour auoir efté fait sās eux fans les appeller, & d'ailleurs que les attestations ne font receuës en droit. *l. Testum ff. de Testibus.*

Elle adioufte quelle rapporte vn pré-iugé par Arrest du

Parlement de Bordeaux donné en cas pareil, & en la mesme Coustume. A quoy les inthimez respondent: que l'Arrest ne doit estre consideré tant pour ce qu'on ne voit point quelles pouuoient estre les contestations des parties. Secondement que l'Arrest est rendu sur ypotheze toute dissemblable. En troisieme lieu que par l'Arrest, il est dit que les debtes de l'heredité seront portees elgalement & par quart.

D'ailleurs qu'il y a des particularitez en ceste cause, qui ont porté Messieurs des requestes à rendre la sentence.

La premiere, qu'ils ont suiuy la reigle & la generalle loy de la France.

La seconde, qu'ils n'ont veu ny loy, ny ordonnance, ny coustume, qui les ait peu faire iuger au contraire.

La troisieme, qu'ils ont reconnu qu'il estoit iniuste que les debtes de la premiere communauté ayans esté acquitees aux despens de la seconde, l'appellante mesmes ayant en l'an 1602. esté mariee des deniers de la seconde communauté.

Qui plus est, toutes les terres & affaires de la maison ayās esté sollicitées, espurees & esclaircies des deniers de ladite seconde communauté, il ny a apparence quelle vueille retenir les biens de la premiere communauté francs & quittes, pour reietter toutes les debtes sur la seconde communauté.

Monsieur Meusnier Rapporteur.

